

Si t'apu a fueddai in sardu  
no est chi acoa tui fetzas  
ammesturus cun s'italianu?

Non depis timi  
mamma, antzis  
iat a èssiri  
mellus po  
a imi....



## Si deu fueddu in sardu a fizu miu issu at a fai ammesturus cun s'italianu?

Pròpiu no! Is pipius chi imparant a fueddai duas limbas zai de piticheddus funt prus allutus e agatant prus fàtzili a imparai atras limbas ancora. Su pipiu fait ammisturus seti candu intendi is mannus chi ddis faint.

Sa diversidadi linguistica podit sighiri a abarrai seti si una limba benit fueddada. Medas mammas e babbus non chistionant in sardu a is pipius poita ddis parit lezu e poita pensant ca su pipiu, intendendi su sardu, no at a imparai beni s'italianu. Primu de totu, nissuna limba est prus bella o prus leza de un'atra poita ònnia limba est espressioni de una cultura. Po sighiri, meda zenti no ischit ca imparai a fueddai prus de una limba fait su pipiu prus capatzu, e cumentu issu at imparau s'italianu e su sardu at a imparai luegus s'inglesu puru!

≈ ≈ ≈

## Beru est chi sa Costituzioni de sa Repùbblica Italiana tutelat is limbas de minoria?

S'articulu n.6 de sa Costituzioni de sa Repùbblica Italiana chistionat de tutela de is limbas de minoria chi s'agatant aintru de s'Istadu. In su 1948, candu est intrada in forzas, sa Costituzioni cheriat, cun custu articulu, non, comenti si podit pensai, tutelai is fueddadas localis ca fiant consideradas comenti dialetus -su sardu puru inantis de sa lezi 482/99 no teniat su *status* de limba-, ma a s'imbressi is limbas cumentu su frantzesu, su tedescu o su slovenu chi fiant zai limbas ufizialis in atrus Istadus e chi in Itàlia beniant fueddadas de calincuna minoria. Oi però si zait a s'articulu n.6 de sa Costituzioni un'atra interpretazioni a sa lughu de sa lezi.482/90.




Ma is limbas de minoria  
beru est chi funt tuteladas  
fintzas de sa Costituzioni?

Eya... in  
s'articulu n.6

≈ ≈ ≈

Ma si podit  
fueddai in sardu  
me in tribunali?



## Si podit manizai su sardu me in tribunali?

S'impreu zuridicu de su sardu est prevediu seti in manera zenèrica de is lezis a tutela de is limbas de minoria, ma ddui funt fatus chi zaint arresoni a is imputaus chi ant esertitau custu diritu.

In su 2007 sa Corti Suprema de Cassazioni annullat una cundanna poita sa sentèntzia non fiat iscrita totu in limba sarda cumentu iat pediu s'imputau chi in tribunali iat fueddau seti in sardu. A pustis de custu fatu sa sentèntzia est istètia iscrita totu in sardu.

Ddui est istètiu, de pagu, unu atru casu in ui sa notifica de sa procura po sa serrada de is indàzinis preliminaris est istètia iscrita totu in sardu e s'imputau, in su mentri de su protzessu, at fueddau in sardu, cun totu chi su Pùbblicu Ministeru si siat opostu e apat cumbintu su Zuzi a suspendi s'udièntzia.

SM

